

國朝文錄續編

經韻樓文錄引

經韻樓文集金壇段若膺先生著先生由進士官知縣罷官後始壹意讀書其學宗戴東原自名爲弟子著書頗多而校正說文尤獨善蓋考據之家精而益精者也集名經韻樓集中之文亦說經講韻者居多然與顧千里論學制連發七札卒不能以折服其心改經曾經各據一說不相下論韻於顧江後宗戴氏亦不盡同戴氏論嘉靖大禮舉楊廷和及張桂之說而盡翻之亦未免主持太過試問兄弟各爲昭穆則商之及玉璽唐文武穆敬之朝兄繼弟叔繼姪者各自立廟將天子七廟祀不及高曾矣有是理耶

其文有蔓衍者亦有紀律森嚴及恰恰酣足無遺累者如  
與梁北曜辨戴趙兩家水經注書及趙戴宜隸河渠書辨  
實爲絕世佳文且水經注移易經涵實戴特識而河渠書  
實趙覃創又不可全沒其名先生旣不使趙得溷於戴亦  
不使戴竟冒乎趙其於師門誼篤而情亦平矣今錄其文  
之尤者爲一卷

經韻樓集文錄卷一

金壇段玉裁若麀著

後學上高李祖陶欽之評

毛詩故訓傳定本小箋題辭

毛詩故訓傳三十卷者玉裁宰巫山事簡所訂也曷爲三十卷從漢志也夫人而曰治毛詩而所治者乃朱子詩傳則非毛詩也是以訂毛傳也故訓傳與鄭箋久與經次相雜廁曷爲每篇先經後傳也還其舊也周末漢初傳與經必各自爲書也然則漢志云毛詩經二十九卷毛詩故訓傳三十卷本各自爲書今釐次傳文還其舊而每篇必具載經文於前者亦以省學者兩讀也傳多於經一卷其分

合今無攷也傳之與經雜廁放於何時蓋鄭君箋詩時所  
爲也毛傳於魯齊韓後出未得立學官而三家旣亡孤行  
最久者子夏所傳其義長也其稱故訓傳何也古者傳以  
述義如左氏公羊氏穀梁氏之於春秋子夏之於喪服某  
氏之於小正皆是也釋故釋訓以記古今異言爾雅是也  
毛公兼其意而於故訓特詳故不專曰傳而曰故訓傳是  
小學之大宗也序亦毛公作與鄭志於常棣曰此序子夏  
所爲親受聖人沈重曰據鄭譜意大序是子夏作小序是  
子夏毛公合作不得援范氏後漢書衛宏作毛詩序一語  
爲左證也傳說皆子夏所傳而毛公述之則序亦子夏所

傳而毛公述之猶韋詩未嘗漢廣汝墳縣棘賓之初筵諸  
序散見於唐人所引者多與毛異亦必韓嬰所自述也序  
爲毛公所自述故傳詩而不傳序也以序放於子夏故南  
陔白華華黍由庚崇丘由儀雖其辭亡而其義存也以序  
述於毛公故十月之交雨無正小旻皆大夫刺幽王鄭箋  
皆當爲刺厲王定爲作故訓傳時移其篇第因改之也鄭  
箋云衆篇義合編至毛爲故訓傳時乃分衆篇之義各置  
於其篇端然則篇義列於篇首放於毛公也今仍之者從  
其舊也列故訓傳於篇後而正其譌錯補其脫落其通釋  
大義者則必復舉經文其訓釋一字一物者則不必復舉

經文凡欲還經傳各自爲書之舊而又斟酌篇聯綴也春秋小正傳體無不復舉經文者毛公傳體亦猶是也箋詩時析置經文下則刪節其複舉而轉寫又多錯謬也夫人而曰治毛詩而有其名無其實然則毛詩故訓傳三十卷是編鳥可以已也讀毛而後可以讀鄭攷其同異略詳疏密審其是非今本合一而人多忽之不若分爲二次第推歸也

通篇用也字連掉成文而于序小序一層解之尤悉

濟盈不濡軌傳曰由軻以下曰軌戊辰六月

此詩古本作軌从車九聲釋文曰舊龜美反是也唐石經作軌从車凡聲蓋由釋文云依傳意宜音犯而孔冲遠正義襲其說改經作軌辯其非軌謂寫者亂之唐石經從之耳軌之訓車轍也軌之訓車軾前也孔氏謂不濡軌斷非不濡車轍軌之見少儀者謂車轄其字當作軾作軌乃誤字又非此詩之用以所據毛傳出軻以上之文求之軻上於軸輿上於軻軌於輿最前故定爲由軻以上曰軌此陸氏所謂依傳意宜音犯也然與杜爲韻音既不韻軻雖下於軻然云由軻以上曰軌亦未甚安朱子詩集傳江慎修



戴東原師皆仍作軌而不能言其義謂濟盈水不濡陸路之車轍語甚無謂也惟李進士成裕王觀察懷祖言之近理成裕曰軌自有二義一則車轍也一則車轆頭也少儀祭左右軌謂轆頭不必作軌此唐以前舊說見於釋文孔沖遠所駁者而成裕取之似近是矣但轆下於輶不得云由輶以上故懷祖云李說能正唐以後之誤據今本云由輶以上爲軌軌非輶上之物不可通蓋傳文本作由輶以下爲軌車軸在輶之下兩耑出轍外者謂之轆頭又謂之軌釋文云軌舊龜美反謂車轆頭也蓋古本皆作由輶以下爲軌故訓相傳爲車轆至陸德明孔穎達所見本始

誤作上遂疑軌爲軌之譌二君精思卓識不可及矣愚謂凡云以上以下者皆正直言之非迴褻言之上章傳云出邾以上曰涉謂邾之上帶之下淺深不定皆涉也云由帶以上曰厲謂帶之上心之下淺深不定皆厲也今謂軸下於輈則輈亦下於輈是迴褻旁行言之與陸孔所謂軌高於輈者皆高庠甚微又皆表行非正上正下懷祖正由輈以上爲以下誠是矣而未得以下之解訓軌曰輈恐雖古說而尙未得其實也軌之文雖在而軌之義則訓爲車轍車轍之訓出於說文本無不是而俗僅以地上兩輪之迹釋之兩輪之迹出於轍而非轍猶迹出於履而非履也凡

字有本義焉有引伸假借之餘義焉守其本義而棄其餘  
義者其失也固習其餘義而忘其本義者其失也被蔽與  
固皆不可以治經於軌轍字微之次軌之本義謂輿之下  
兩輪之間也輿之下兩輪之間成扁方形是曰軌軸之上  
爲輈輈之上爲輿由輈而軸而下至地考工記曰軹崇三  
尺有三寸也則由輈至地過於三尺三寸水深過軸而至  
輈則必入輿輿者人所居也故傳以輈爲高下之節曰由  
輈以下曰軌高誘注呂氏春秋曰兩輪之間曰軌自其廣  
陔言之所謂轍廣六尺也毛公曰由輈以下曰軌自其高  
下言之所謂軹崇三尺三寸也毛不言兩輪之間者毛意

主高下不至廣限也凡軌有言廣限者如涂度以軌是也

有言高下者如濡軌滅軌是也

滅軌見晏子春秋曰其深滅軌文選轍有賦轍含冰

以滅軌此轍謂地上車迹沒於冰中冰凝積高過於車也

有兼高廣言者如穀梁春秋

曰車軌塵謂以軌之高廣節塵之高廣曲禮所謂驅塵不

出軌也中庸曰車同軌蓋亦兼高廣言其軹之崇其轍之

廣必如考工記所云所謂兵車不中度不繫於市也軌之

言矩軌物之稱由此而起軌音同九九之言駟匪匣之字

由此而生亦曰徹徹者通也中空而通也老子曰當其無

句有車之用軌轍以空方立名非有物也故必假輪與軸

以爲言少儀言左右軌何也輪內之稱用爲輪外之稱左

右軌卽周禮大馭之兩軌也軌者轂末小穿轉者軸末皆

中於輪故鄭以轉釋軌亦謂之左右軌者以其高下之度

外內正等者而言

鄭注少儀云軌與軌於車同謂轂頭也謂其高下畧等耳詩正義云少儀之軌

當作軌

是故由軌以下曰軌自其裏言之曰左右軌曰車

不得方軌自其表言之

高氏云兩輪之間曰軌去輪言之則空處遠輪言之則禮記之左右

也車人轍廣六尺自其裏言之匠人注轍廣八尺自其表

言之孟子曰城門之軌左傳曰下視其轍自其軌轍所軼

轍之迹言之左右軌及城門之軌下視其轍皆軌轍之餘

義也舊說詩者謂車轉頭以餘義廢本義而不知左右軌

之名起於輪間軸下空方之處兩旁可稱左軌右軌不得

徑稱軌也宋人注經於詩曰車轍也

此雖同說文但說文謂輪間輞下曰輞朱

子則謂輪迹詩正義云軌自車轍耳中庸云車司軌匠人

云經途九軌注云軌謂輞廣是也詩釋文云軌車轍也皆

謂車迹為軌轍知唐陸氏孔氏早不解軌轍字於孟子曰軌車轍迹也此處不

當有於中庸曰軌轍迹之度此言車制不言迹也迹之所

之字當言又以最後之餘義說經而不自知逐末亡本有當有

不當也李善注懷舊照合冰以滅軌引顏延年纂要解曰車迹曰軌此以餘義說本義也此篇詩

傳四言禮義以不濡軌喻禮義之防尤為顯白云濟盈不

濡軌者謂凡渡盈水決不渡濡軌之盈水不及軌者乃可

渡違禮義不由其道猶濡軌而渡之矣亦猶雉鳴而求非

其牡矣云求其牡者以刺求非其牡也與不濡軌皆正言

之也毛傳不獨由軛一語有譌字以下亦恐有脫文毛公  
立文至爲精覈假令經是軌字則傳當云車軛前謂之軌  
假令經謂車轍迹則傳當云車迹謂之軌假令經謂軛頭  
則傳當云車軸端謂之左右軌而皆不爾故可因以知軌  
之本義說其源流旁通諸經以爲後學持贈俾明訓詁之  
理

精心理會細意爬梳說一字而旁通諸經此等文實爲  
獨絕

爲人後者於兄弟降一等報

斬衰章曰爲人後者傳曰爲所後者之祖父母妻妻之父  
母昆弟昆弟之子若子經但言爲所後者斬衰三年則知  
一切與真子同矣故傳約略舉之曰祖父母者爲後之曾  
祖父母也曰妻者爲後之母也曰妻之父母則爲後之外  
祖父母也妻之昆弟則爲後之舅之從母也昆弟之子則  
爲後之舅之子從母昆弟也言此而內親自期以下外親  
自小功以下可弗覲縗也記云於所爲後之子兄弟若子  
此文近日金輔之程  
易出乃改正明晰兄弟云者小功總麻之親作記者亦  
恐經但云爲人後者斬衰而已讀者或疑一切未必與真



子同故足之曰雖小功緦麻之服一如真子況大功以上  
有不如真子者乎此記闡經之意也傳之闡經也族親外  
親兼舉記之闡經也舉細以賅大其用心則一也母有父  
在父卒之殊必依所後者之在卒爲之故傳必言母也祖  
父母下其諸脫父母二字歟父母者所後之父母後之者  
之祖父母也至若爲人後者爲其本親之服經惟四條不  
杖期章曰爲人後者爲其父母大功章曰爲人後者爲其  
昆弟關姊妹在室小功章曰爲人後者爲其姊妹適人者爲人  
後者爲其昆弟之長緦麻是四條者本親之服盡此  
矣由其父母而上之雖祖父母曾祖父母不服也由其父

母而旁之雖世父母叔父母姑不服也由其昆弟其姊妹

而旁之雖從父昆弟從父姊妹不服也況卑於此疏於此

者乎況外親乎此所謂絕族無施服也施服則延蔓無制

斷而失後大宗之義

如爲出母則不爲外祖父母服其義一也

爲其父母期爲

其昆弟姊妹大功其姊妹適人者小功所謂親者屬也生

我者與同生者而不殊之是不仁也問者曰然則記曰爲

人後者於兄弟降一等報此何說也曰兄弟二字當作其

昆弟三字因上文皆言兄弟寫者遂譌爲兄弟耳於其昆

弟降一等卽經文大功章之爲人後者爲其昆弟也經未

言報故記補言報以足之與不杖麻屨章爲其父母報一

例然則小功章爲其姊妹適人者爲其姊妹之長殯其必報亦可互見經於父母昆弟未有言報者獨此經記言報何同宗爲後則其父或爲所後者之昆弟之從父昆弟之從祖昆弟之族昆弟均不可定其服或應期或應大功或應小功總麻而必以期斷者所以厚本親也本親必如其服還之皆不計所後之親疏也假令其父爲所後者之昆弟則於己爲世叔父期固其所也是亦得云報乎曰先王以此爲爲人後者爲本親之期非昆弟之子爲世叔父之期在彼亦本親爲爲人後者之期非世叔父爲昆弟之子之期是以云報也親疏之通例也女子子適人者爲其父

母期其父母爲之大功不與此一例何也父母之於女子至尊其分定也本親之於爲人後者於其所後親疏不定故報之壹以期也

善言禮意可以補疏其筆力廉悍亦如無厚之人有間

與阮芸臺書

日前捧讀尊大人行狀得以詳知老成人嘉言懿行兼之  
叙述井井情文藹然可以教孝敬服之至顧有芻蕘一得  
爲執事言之者世父二字惟見於儀禮而他經不見凡言  
世父猶世子世室世國世爵之云於此見卿大夫之宗法  
焉謂嫡子世世爲之者也小宗則亦一世之嫡也舉嫡可  
以該仲舉叔可以該季故經曰世叔父蓋設爲其父居仲  
舉世父以見其有兄舉叔父以見其有弟今人作文字但  
當循伯父叔父之稱可曰大伯父二伯父三伯父斷不可  
曰大世父二世父三世父譬如世子之弟斷不可云二世

子三世子也況狀中大世父者出於異姓尤不當以世稱之此芻蕘之一說也母之父曰外祖母之兄弟曰舅曰舅氏此禮經一定之辭曰舅祖者古絕無此稱狀中云江澄用舅祖若澄里係傳大人之舅則當依詩曰舅氏自執事言之可曰大舅見後漢書也凡里俗言舅父舅母皆不通之稱舅不可以稱父古者異姓無呼父者惟外祖父呼之爲其爲母之父也猶父之父呼祖父也舅之妻不可稱母但曰舅之妻而已俗稱舅始亦可行古者異姓稱母者惟外祖母爲其爲母之母猶爲父之母稱祖母也惟從母爲其爲母之姊妹也猶父之昆弟呼從父也若舅祖舅父舅

母姑父姑母則里俗云然而不可施於文今俗姑夫稱姑父者是異姓而父之也有稱姑爲姑母者是同姓而母之也有從母之夫稱姨父者是因從母有母名而遂父其夫也古有因稱父而母其妻者無因稱母而父其夫者此芻蕘之說二也宋以前少爲己之父母作文者惟瀧岡阡表始著近人則多爲父母作文而曰行述或但曰述本朝諸君子皆然無曰行狀者前則如歸震川集有先妣事略瞿文懿有先考行實皆不曰行狀所以然者古者行狀皆名人爲之其式多以曾祖父某祖父某父某排列於首幅其用則以申諸史館因以上聞議謚文苑英華所載是也

故韓昌黎集以表與狀與行狀三者類聚爲一非名人不可爲之也所以非名人不可爲之者以蓄道德而能文章其言乃可信也故人子所自爲但可云述而已有述以質於名人而採其言爲之行狀則可以申史館書之國史可以更請名人據狀作志銘以納於廟以藏於墓此其義古今略同而各家非無爲父母作行狀者如元之郝文忠公是也要未可謂甚合執事本文忠者也此芻蕘之說三也王裁昔年深究古文辭之旨惟端臨知我耳不旣

古義獨陳雖名公亦爲壓倒



駁山東巡撫請以邱姓人充先賢左邱明後博士議

代禮部

臣等竊惟國家右文尊經以春秋一經孔子並世之左邱明爲之傳與經並尊議授其子孫五經博士承襲不替制度超出前古萬萬但此事所以尊左氏尊左氏則不宜誣左氏尊左氏而以他氏之子孫誣之不如不尊也上年山東巡撫請爲左邱明立博士欲以邱姓承充經本部議駁左邱明係左氏非邱氏今該撫覆奏堅執姓邱不應被駁蒙諭核議臣等空疏無學稽考經史蓋先賢左姓名邱明固絕無可疑者論語公冶長篇曰左邱明耻之某亦

耻之孔安國曰左邱明魯太史也梁時皇侃義疏曰左邱明受春秋於仲尼者也云某亦耻之者亦從邱明耻也唐孔穎達春秋正義卷一曰沈氏云嚴氏春秋引觀周篇云孔子將修春秋與左邱明乘如周觀書於周史歸而修春秋之經邱明爲之傳其爲表裏晉杜預春秋傳序曰左邱明受經於仲尼下文曰退不守邱明之傳於邱明之傳有所不通又曰專修邱明之傳以釋經又曰蓋邱明之志也又曰仲尼素王邱明素臣以上三事皆上言左邱明下言邱明言左邱明是全舉其姓名言邱明是單舉其名文法至顯至如嚴氏春秋乃西漢之書所引觀周篇早謂左爲

姓邱明爲名是則自周秦至於六朝未有不謂左姓而名  
邱明者也自漢至今多言左氏傳未有言左邱氏傳者漢  
書藝文志列六藝於春秋家曰左氏傳三十卷曰公羊傳  
十一卷曰穀梁傳十一卷班固自注曰左邱明魯太史公  
羊子齊人穀梁子魯人假令複姓左邱則何不同公羊穀  
梁之例云左邱傳三十卷也上言左氏則注言邱明者其  
名可知也或謂漢人之文未有言左氏邱明者則左姓名  
邱明亦尙無確證今按漢魏晉六朝唐人之文皆言左氏  
不言左邱氏皆言邱明不單言明固已隨處可證況漢書  
楚元王傳劉歆移讓太常博士書曰魯恭王得古文於壞

壁之中逸禮有三十九書十六篇及春秋左氏邱明所修  
多者二十餘通藏於秘府明言左氏邱明確鑿可據文選  
卷四十三載其文無異是以孔穎達作春秋正義卷一云  
邱明爲傳以其姓左故號爲左氏傳永樂大典所載唐元  
和姓纂寄韻左姓下云魯有左邱明邱明之後魏左雄生  
思是則自漢訖唐未有言先賢姓左邱者也然則左邱之  
說何昉乎司馬遷史記自序及報任安書皆云左邱失明  
厥有國語漢人言左氏者不下百千萬處言左邱者僅一  
見於是三人占則從二人之言未有據一以廢百千萬者  
也不曰左邱明而曰左邱蓋司馬氏偶然損字如晉公子

重耳左傳哀四年稱晉重仲孫何忌魏曼多公羊經定六年哀十三年作仲孫忌魏多之比抑或左邱明失明本一句內兩明字因或刪之歟十二諸侯年表曰魯君子左邱明成左氏春秋必加魯君子於姓名之上是其尊先賢之意也鄭康成注儀禮曰君子國中有盛德者是也且自古未有氏左邱者廣韻邱字下引漢複姓四十四氏自籍邱深邱以至厚邱泥邱厯厯可數不數左邱唐元和姓纂亦無複姓左邱氏宋人葉夢得乃言有左氏有左邱氏左氏爲傳左邱氏爲國語因司馬遷之言而附會之而鄧名世作姓氏書辨證遠信無稽出左邱氏蓋邪說之生於唐後

如此且左邱氏不可云邱氏明矣東方朔可云方朔不可云姓方司馬長卿可云馬卿不可云姓馬該撫所療者廣韻十八尤邱字下引風俗通云魯左邱之後此固當辯風俗通氏姓篇今不偶廣韻不當摘取左姓人之名以證邱姓蓋風俗通本謂左姓爲魯左邱明之後作韻書者應入之寄韻左下而誤入尤韻邱下此事理之顯然無可疑者元和姓纂亦本風俗通則入之左姓下不誤是則非風俗通有誤而廣韻誤也豈獨援以定譜牒之學豈可援以定先賢譜牒崇德象賢之禮倘其一姓分爲二姓如漢潛夫論所說苦城漆雕公冶者猶必左邱之後分而或左或邱

見於古人紀載確有明文況自漢至今曰左氏曰左傳本  
無曰左邱者又安得有去左言邱之證據也臣等竊惟左  
氏羽翼春秋其功甚大自賈誼劉歆賈逵鄭眾鄭元等表  
章特至唐貞觀永徽中祀周公爲先聖孔子爲先師孔庭  
配食止顏淵左邱明二人迨宋儒盡舍三傳說春秋前明  
竟以胡安國注列學官取士我 高宗純皇帝乃黜胡

傳用左傳以公穀輔之真萬世不可易之制然則今日爲  
左氏子孫立博士固當汲汲也而必以邱姓爲左之後則  
斷斷有所不安蓋自漢而後羣儒好爲異說一左邱明而  
誣之者有六焉一日有二人左姓名邱明作左傳者左邱

姓明名作國語者此宋葉夢得之說其愚甚於說班固孟  
堅爲二人者也其誣一也一日論語左邱明與作春秋傳  
之左邱明是二人此唐趙匡宋程頤劉敞呂大圭之說攷  
論語孔安國注班固藝文志皆曰左邱明魯太史然則一  
人無疑也邱明爲魯太史孔子之畏友是以不在七十二  
弟子之列十二諸侯年表又別左邱明於諸弟子外也其  
誣二也一日左邱明係六國時人此宋王安石之說安石  
旣曰春秋爲斷爛朝報又何有於左傳不足與辨也其誣  
三也一日作春秋傳作國語者必二人此晉傳元唐劉炫  
及宋人之說其意以國語所載或與傳不符不知國語者



乃隨孔子觀書於周室網羅放佚而存之及其受經作傳則又不無去取同異邱明爲魯太史是以得踵經十四年西狩獲麟至於十六年夏四月己丑孔某卒而後經止史記表自序漢書藝文志言左氏傳國語皆係之左邱明已爲定論其誣四也其誣之甚者莫甚於康熙閒朱彝尊經義攷卷二百八十一奮筆書顏子回曾子參左邱子明割名益姓其妄已極尤莫甚於該撫謂邱明爲邱姓易名爲姓而使先賢無姓使先賢之名不完是誣先賢也是謂神可歆非類民可祀非族也是誣漢以來之稱左氏者也是誣天下萬世也倘邱姓自稱左公之後是不祖其祖而

祖他人之祖以竊取寵榮爲無恥之甚者也臣竊謂先賢  
實左姓不得立邱姓者克博士應求山東及他省士民左  
姓實係先賢之後的確可信者題之以昭鄭重博昧之見  
未知有當與否古人有言曰羣言淆亂衷請聖伏乞  
皇上聖鑒訓示

推陷壙清比於武事此辨亦可謂有萬夫之勇矣

與梁耀北書論戴趙二家水經注

王裁拜白耀北大兄足下邇者想侍奉萬安尊體佳勝水經注之書爲言水道言地理者所必資顧自宋以來踳駁幾不可讀惟吾師東原氏治之最勤整齊譌亂鉤棘引歸文從字順上邀

高宗純皇帝歎賞詩褒悉心編纂

可爲中尉素臣食其利者沾溉無窮矣然東原氏之功細大宜辨據古本搜羣籍審地望尋文理一字之奪必補之一字之謾必刪之一字之誤必更之東原氏之能事也然而其功細自唐宋淺學遂書不知其義例誤認過某逕某之文無區別任意互譌大氏注譌經者十八經譌注者十

之一二東原氏得其例有三一曰獨舉複舉之不同經文甚簡首舉水名下不再出注文雖一水內必詳其注入之小水以間廁其間是以主水之名屢舉不厭雖注大小水有所攜帶者相間亦屢舉小水之名經文斷無是也一曰過運之不同也經必曰過某注則必曰運某所以別於經一曰某縣及某縣故城之不同也注所謂某縣故城者卽經之某縣也經時之縣注時多爲故城經無言故城者卽執此三例清乎莫禦釐之有如振槁承學讀至白首不解者豁然開朗王伯厚顧景范胡拙明閻伯詩稱引之誤今皆可正此則東原氏功之大者也東原氏明智卓絕而於

是書亦久乃得之僕從先生遊見歲乙酉六月始因胡朋  
明南北磔跡之誤豁然大悟將經注書清是年八月專寫  
經文爲一卷摘注文前後倒亂甚者附攷於後又舉經注  
三例爲跋尾略同殿版提要癸巳 召入纂修四庫遂擬  
改自宋以來經注拘迂者駮不之信其膽雄由其識卓也  
戴書上於甲午奉 命刊版越十有三年丙午杭郡趙誠  
夫先生水經釋注一書始出而東原沒於丁酉之夏矣僕  
至今年始從友人借讀趙書其所據古本校本之多所攷  
諸史百家之富所採諸老宿顧亭林顧景范閻百詩胡朋  
明何屺瞻全謝山緒論折衷群言自攄所得其於字句各

本異同別黑白定一是與戴書詳略可互證精詣可互求  
而最異者更正經注亦大略與戴無異夫字句偶竄一二  
校古之常也取經注互易之校古之痴人所不能爲者也  
東原氏灼知而剏爲之故條舉經注之義例冠於全書之  
首大白於天下又於分注遇事疏通以爲不如是不可以  
信從也誠夫於字句偶竄必詳其本原而經注混淆突兀  
剏改者不將何以互改之故詳於自序及分注及附錄及  
朱箋刊誤假令無戴書則互改之必可信者誰其知之爲  
駭俗之事而深沒其文非著書之體也趙書成於乾隆甲  
戌戴書成於乙酉相距十二年趙先於戴戴書出於甲午

趙書出於丙午相距十三年戴先於趙其果閉戶造車出門合轍與何以東原氏條舉義例誠夫不著一字也兩先生之齒趙長於戴其將謂戴取諸趙與則東原氏之德非盜竊人物以欺主上及天下者也僕從游日久未嘗言有所聞之也且兩先生者固未嘗相識也足未嘗相過也音問未嘗相通也誠夫之書秘藏高庋至其孫刊行未嘗稍傳於外此兩家子弟所知不可誣者也將謂趙取諸戴與則誠夫之學亦未必盜竊人物以欺天下者也未詳其卒於何年卽乙酉以後獲聞東原之說補綴已書亦必明言所自斷不深沒其文默然而已也此僕所不能無疑

者也丙午丁未間盧召弓先生爲予言梁氏耀北處素昆仲校刊趙氏水經注叅取東原氏書爲之僕今追憶此言意足下昆仲校刊時一切仍舊獨經注互譌之處不從戴則多不可通故員於從戴以補正趙書以成酈書善本與戴竝行所以護酈而非所以阿趙召弓所云叅取東原氏爲之者此也足下昆仲之意則善矣但足下亦不宜深沒其文默默而已也果出於閉戶造車出門合轍當著其奇以見東聖西聖心理之必同果出於相取當著其實以見多聞從善之有益果二公未嘗相取而出於校刊者集腋成裘亦當爲後序以發明之以見其期於酈書完善而非



借光鄰壁不則無解於僕之疑亦無解於天下後世或謂  
戴取趙或謂趙取戴之疑是則足下昆仲將尊戴而適侵  
戴將助趙而適誣趙也此僕之所以不敢不言也三代人  
作述不自言姓字惟其理明而已後此乃談談自矜其名  
矧而確之說必出於命世大儒言未嘗不以人重也令弟  
不可作矣足下及今爲後序刊於趙書之末洞陳原委破  
天下後世之疑俾兩先生皆不被竊美之謗於地下僕實  
企望焉願叨以教我

侃侃而陳文極遒勁先生之于東原可云有力如虎矣

與方葆巖制府書

葆巖制府閣下大門中恪敘公總督直隸乾隆三十二年  
戴東原師於蓮花書院講學直隸河渠書一部凡百有二  
卷首衛河七卷次漳水十一卷次滏水三卷次大陸澤五  
卷次甯晉泊一卷次庫沱河八卷次東西淀二十一卷  
河三卷沙河一卷滋河一卷府河五卷永定河十六卷  
朱易水五卷泚水一卷清河五卷  
十二卷  
乾河四卷次白河十九卷  
內白河入卷  
榆河四卷大通河五卷次  
河九卷次陡河一卷次灤河一卷  
內熱河案此二河  
不樂為此也此後有余君  
諸水源流古今遷變孰異孰同  
為利為害孽肌分理考鏡具備蓋恪敏實心實政無在不

求有利於民有裨於國此書其一端也非恪敷經畫不能  
以此書規撫非東原師熟於地理博洽精敏不能年餘述  
成此書爲國家鉅製顧恪歛未及進呈爾下方泮年  
書遂流轉落吳江惟東原師藏其副爲真本乾隆癸巳東  
原師奉特召充四庫館纂修高宗純皇帝深知戴震  
天文地理之學精鑒其攷正水經注及九章周髀算  
經等書御製詩篇嘉慶頒行洎丁酉卒都門其著述藏  
曲阜孔戶部誦伯繼溫家此書在焉洪舍人臨登榜作戴  
行狀孔檢討撫約廣森作戴氏遺著總序皆記直隸河渠  
書六十四冊嘉慶十四年有吳江捐職通判王履泰捐

竊此書易名幾輔安瀾進呈 上嘉爲有用之書賞以同  
知發河北效用仍 命武英殿刊行 聖明天縱一見此  
書卽知非通儒不能爲故布其書於天下與 高宗皇

帝賞識戴震先後一揆豈非千載盛事哉且 上所謂有  
用者非獨謂其攷古精覈也亦謂切於今用爲三輔興利  
除害所必需詳觀此書自禹益山經班志鄺注歷代史籍  
唐宋以來各家著述直隸一省地圖志乘積年檔案網羅  
宏富辨析精詳因之某山某水經流支流分合名實故道  
今道高高下下元元本本如觀燎火如視掌紋凡我 祖  
宗洪猷碩畫一一具載 國家治水勸農諸臣如欲仿宋

何承矩元郭守敬明徐貞明楊一桂 國朝怡賢親王諸  
君子大興水利稻田非得此書無所依據是固恪敏之盛  
心而邀 聖主之賡賞者也夫言必以人重此書履泰宣  
之不足以重此書而祇辱 九重之殊賞亦使恪敏與東  
原師之美俱湮沒不著且上年冬東原師之子中孚抱曲  
阜孔氏所藏真本大都與軍機章京龔鄭正往刻板處略  
觀知其悉用原書妄爲刪併略增乾隆戊子以後事實改  
百二卷爲五十六卷且移易其目次先後原本首循河以  
地勢自南而北爲次也今乃首永定河則全失其義例竊  
謂履泰何物乃敢刪定通儒之書恐失著書之用閣下文

章政事淵源世美宜 奏明是書原委取真本進 呈重  
刻以章 聖鑒之明以成先志之美以發東原著作之光  
以懲履泰盜名之罪究紹聞之實用助 聖代之經綸幸  
甚幸甚全書真本中孚交付玉裁處繕抄年內可畢閣下  
如欲觀此全書玉裁卽當札致中孚也玉裁再拜  
此事之不得不自者先生於其師可謂盡心爾已

趙戴直隸河渠書辨

戴東原師卒於乾隆丁酉遺書皆歸曲阜孔戶部漢谷繼  
編直隸河渠書六十四冊漢谷裝爲二十四冊計百單二  
卷以卷帙重大故漢谷未能刻藏於家漢谷於吾師爲執  
友其子廣根又吾師之壻故遺書收藏刊刻引爲己任也  
始桐城方恪敏公總督直隸聘吾師修此書未竣而恪敏  
薨嘉慶十四年有吳江捐職通判王履泰進樂輔安瀾志  
一書蒙 恩賞錄 命武英殿刊行實竊取戴書刪改而  
成者履泰係直督周公元理姻戚周公係方公後任於時  
葆嚴制府方十二齡故書稿入於周氏而王氏得之吾師

之子中孚意欲赴闕伸辯而未能爰於孔府搨書稿二十四册至蘇州屬余校定此十五年二月也余披讀往復見其書繁重綴悉畢脩因思吾師惟戊子年在恪敏處一年內何以能成書之多至此每與李松雲太守言此必有底稿斷非出戰師一人之手也是年冬松雲入都杭州何夢華元錫來言直隸河渠書乃趙東潛作於戴先生無涉往者孔漢谷丈收入藏氏遺書中誤也余以二十四册者示之彼云趙氏之書尙多一倍不止此也余曰吾故疑吾師一年內決不能成書至自二卷之多今足下云趙書乃更倍此然則趙爲草創而戴爲刪定乎屬其將趙書寄來



一觀未至也十六年春正月松雲自都還以武英殿聚  
珍板讎輔安瀾志相示知其確爲竊取載書而刪繁就簡  
不學無術所爲頓失廬山真面蓋此書之美在繁而彼盡  
將夾行細注刪去令攷訂古今者俱俛俛焉在幽室之中  
是可惜也二月松雲復以葆巖制府札相示知夢華已將  
趙本抄送葆巖而葆巖問趙氏作此書可有證據松雲屬  
余攷之余謂趙氏爲此書惟汪韓門集保定旅懷詩道及  
之而董浦謝山皆其老友集內皆未道及卽東潛文稿亦  
無道及之語然其書稿藏於家固確然可信爲東潛之作  
也至於吾師之書則有孔漢谷之收藏有洪舍人榜之戴

氏行狀有孔檢討摛約之戴氏遺書總序有程方正易田之答余書有余親聞吾師說撰此書之語有吾師親筆戊子余應方制府之請寓保定蓮花池園內適河間同知黃君尋灝河源至之語皆可據證夢華乃云此書無預戴氏非確語也松雲云東原先生非竊攘人書者若非東原大爲刪潤斷不抄其副本自稱己書蓋趙草初而戴刪改必矣松雲所見正與余合古人改定他人之作有並存集中者如盧韓之月蝕詩是也今者二公之書固當並存趙雖精於地理而地理之學尙不及戴文章之學亦不及戴在今日而論自當以戴爲主以趙書校勘其譌字戴書唐河

卷一中云杭人趙一青補注水經於地理學甚核嘗遊  
定州爲定州牧姚立德作盧奴水攷並附於右下附盧奴  
水攷云云今此篇見東潛文稿吾師方採擷趙文此豈得  
謂戴書卽趙書耶趙名直隸河渠水利書吾師曰直隸河  
渠書則水利二字吾師所刪以河渠足以包之也趙本一  
百三十二卷吾師一百單二卷則卷數較少者三十正吾  
師所刪也趙本始衛河終唐河據方葆  
鼎札戴本始衛河終陡  
河灤河則其次弟之大不同也戴於灤河一卷未成而趙  
有無灤河若干卷則余所未知也夢華口說趙灤河十一  
卷恐未可信必須葆巖以目錄相寄乃可果有灤河十一

卷則可補載書成完璧矣夢華謂東潛爲丙辰詞科據結  
埼亭集及詞科掌錄則丙辰詞科者乃東潛之父谷林叔  
父意林而非東潛父子同詞科也觀書其梗槩以復松雲

平平亭亭各還分量

潛研堂文集序

古之以別集自見者多矣而多不傳傳矣而不能久傳且  
久矣而或不著其傳而久而著者數十家而已其故何  
哉蓋學有純駁淺深而文又有工拙之不等也古之神聖  
賢人作爲六經之文垂萬世之教非有意於爲文也而文  
之工侔於造化諸子百家皆竊取一端以有言而言之有  
用者固多言之偏致爲流弊者亦多矣自辭章之學盛士  
乃有志於文章顧不知文所以明道而徒求工於文工之  
適所以爲拙也雖然有見於道矣有見於經矣謂不必求  
工於文而率意言之則又孔子所謂言之無文行之不遠

者蓋聖門言語文學必分二科以是衡量古今其能兼擅者少矣乃若少詹事曉徵先生庶幾無媿於古之能兼文學言語者乎先生始以辭章鳴一時既乃研精經史因文見道於經文之外談經義之聚訟而難決者皆能剖析源流凡文字音韻訓詁之精微地理之沿革歷代官制之體例氏族之流派古人姓字里居官爵事實年齒之紛繁古今石刻畫錄可訂六書故實可裨史傳者以及古九章算術白澤迄今中西歷法無不瞭如指掌至於累朝人物之賢奸行事之是非疑似難明者大興章制度昔人不能明斷其當否者皆確有定見蓋先生致知格物之功可謂

深矣夫自古儒林能以一藝成名者罕合眾藝而精之殆  
未之有也若先生於儒者應有之藝無弗習無弗精其學  
固一軌於正不參以老佛功利之言其文尤非好爲古文  
以自雄壇坫者比也中有所見隨意抒寫而皆經史之精  
液其理明故語無鶻突其氣和故貌不矜張其書味深故  
條鬯而無好盡之失法古而無摹倣之痕辨論而無詭譎  
攘袂之習澹古淡泊非必求工非必不求工而知言者必  
以爲工俾學者可由是以漸通經史以津逮唐宋以來諸  
大家之文其傳而能久而愈著者固可必也玉裁嘗居  
姑蘇者十餘年先生方主講紫陽書院幸得時時過從請

益而天不憖遺捐館已三年矣所著書多彙行於世生平  
於元史用功最深惜全書手稿未定文集尤士林所仰望  
今同志梓成瞿子鏡濤請序於余追念疇昔感傷宿草象  
欵言之媿無以發先生之蘊也集凡五十卷分爲十四類  
者先生所手定也嘉慶十一年歲次丙寅九月金壇後學  
段玉裁拜撰

以此序竹汀先生之文恰如分量蓋實博學而兼能文  
也



經韻樓集文錄卷二

金壇段玉裁若膺著

後學上高李祖陶欽之評

前明四川定遠縣知縣高蘇生先生墓表

吾邑王雲衢王漢階兩先生討論制義提唱學者每咸推鄉先生高氏蘇生之文雲衢取之入明文治漢階以與徐思曠羅文止陳大士金正希楊維節艾千子陳臥子章大力黃蘊生列爲天崇十家壽世數十年來天下稍稍知先生之文章矣然天下雖知其文而先生之飛遽潔身出處顛末蓋未有知之者豈獨海內鮮能知之蓋其鄉人亦未有知之者當雲衢時去先生之世未遠言先生爲邊邑令

遭亂而返卒以窮死是何所聞之失實與竊嘆士有幸有不幸文如先生不幸而後出節行如先生又不幸而不得與止希千子維節卧子蘊生及方密之金道隱諸先生者並顯暴於世也王裁入蜀之六年歲丁酉讀石碣同知諸城王君榮緒所作石碣廳志載石碣馬斗曄語始知先生仕定遠令厯官至觀察使亂後爲僧名淨石號無想流寓石碣詩文間有存者甚異之又聞鄆都縣有先生墓亟謁書鄆都令尹平遠州張君偉物色之今年八月書來距縣治南百二十里有古來寺古來山名也與石碣壤接淨石墓在寺左五里許寺內有所作碑記僧性鐫刻其後記其

出處與馬君語同又稱甲午居古來寺因爲碑記然後知  
先生以僧終以蜀終其過秦夫人墓詩云宦海我憐官作  
衲墓臺人指女封侯明同志也其署古來寺碑記云歲次  
甲午夏六月江南淨石記是永初以後惟書甲子之心也  
甲午當順治十一年則未知又若干年而歿歿而葬於寺  
瀕島有所謂遭亂而返者哉國亡矣君死矣將安歸假一  
瓶一鉢以寄其怨慕無聊銜酸飲泣默喟宵薰割棄其安  
子故舊斷絕其音耗以至於死何怪乎天下莫之知而鄉  
之人亦罕有知者而南金崑玉不可蘊藟當其時有詩人  
馬君斗煒知之心空性鋤兩僧知之自甲午至今日百廿

餘年王君張君因得舉其佚句刊其孤墳王裁以同里後  
進復幸於數千里外論其世知其人而天下可曉然於先  
生之節行也不揣燕陋爲墓表屬張君刻諸石且修葺其  
墓崇探樵焉先生姓高氏諱作霖蘇生其字號誠心前明  
南直隸金壇縣人由歲貢知定遠縣馬君云至觀察使不  
辨爲何官故謹缺之乾隆四十有三年歲次戊戌秋九月  
日四川巫山縣知縣後學段玉裁表

發潛閣函文亦飛動

一中憲大夫雲南分巡迤南兵備道龔公神道碑銘

公諱敬身字岷懷一字匏伯其先隨宋南渡遷餘姚後還

杭州著籍仁和縣曾祖諱煜累贈朝議大夫祖諱茂城

太學生累贈朝議大夫考諱斌邑增生累封朝議大

夫例封中憲大夫妣薛氏封恭人封公厚德裕後能

教其子公岐嶷卽有成人度年十一遭母喪哀痛特至及

長至性過人篤於父母昆弟凡與人必誠執事必敬不爲

崖岸斬絕之行而其中介不可易自處約至服官終其身

不改乾隆二十四年舉於鄉尋考充咸安官教習滿三歲

以知縣用三十四年成進士改官內閣中書公弟禔身亦

以舉入宮內閣公之謹慤裨身之類敏一時稱兩翼轉宗  
人府主事職纂修玉牒既成遷吏部稽勲司員外郎兼考  
功司事己亥充順天鄉試同考官尋遷禮部精膳司郎中  
兼祠祭事保舉御史引 見記略四十八年以郎中俸滿  
授雲南楚雄知府公居官所至輒盡職願以爲京職勤簿  
書而已太守遼有司親民必民與官休戚一體呼吸相聞  
煦嫗其痛疾苟可以利益於民不以官易七邑之民感其  
誠訟者皆不赴縣赴府七邑令長亦感其誠不敢不盡心  
民事大吏知其能倚重之全省刑名有疑必委復讞多所  
平反五十二年大計卓異奏擢迤南道而公以父憂去官

矣楚雄舊使民出官夫官馬減其雇值往來賓旅雜遯咸  
利是而民重困又夫數十名馬十餘匹日伺候堂上爲儀  
衛名曰站堂公曰何用此也罷之凡夫馬悉平雇於民永  
禁官夫馬勒於石首縣民徐姓訟羅姓舅姑殺其女以無  
賴子見屍井中爲證公使縣令鞠之井實無屍令信無賴  
語窮治羅姓誣服公一日自鞠之杖無賴及徐徐不服公  
令後堂引徐女出曰汝等其識此人耶二姓驚駭嘆服則  
由被虐逃傭他鄉公早使人規得之者也大理府突以民  
變聞大吏驚駭所部兵將進檄公往度形勢時大理民以  
勒增鹽價爲苛政羣起殺縣役府縣官不敢出衆聞兵且

至益亮懼公單騎入衆中諭之曰爾等皆好百姓奈何作  
斫頭事尔楚雄龔知府也來活汝爾等甯欲活耶公在滇  
滇民無不知龔知府者千萬厥角環拜泣曰幸公來何以  
救我公曰兵之來爲爾等聚衆也衆苟不聚兵何施衆悉  
散去杖數人以復大吏其事遂靖先是滇省鹽不由商官  
案民戶分鹽歛價相沿已久復議增價公議曰案戶給鹽  
胥役朘鬻民飲恨久矣若再益之虐民何以堪必滋事變  
至是乃更請停各郡增價之令順甯府級銅缺額大吏以  
爲憂公奉檄往勘至則虔祀山神銅卽大旺未逾月竟足  
額遠近咸異之巡撫譚公尙忠嘆曰銅無知乃識廉吏孟



伯周不得專美於前矣公之歸也楚都之人祀公於郡城東迎恩寺國朝百五十年郡守戶祝於是者張公允隨及公二人而已訟棍飭承荷校者二人公行時縣釋之叩頭舉酒於旁公曰爾不我怨而我餞乎對曰如公爲官其敢怨乎小人從此不爲不肖矣非公政無缺失烏能姦究格心如是五十三年封公卒於家初封公就養都門以滇道遠不往公常不自安稟請終養詔旨甚哀大吏以格於例不敢奏及聞喪痛不欲生喪畢遂引疾不赴銓偕諸弟晨昏情話種蒔花木以爲樂蓋公天性孝友與弟澡身禪身理身治身相愛善而視身在都同官同居如左右手歲

內申至戊戌禔身及妻潘孺人及妾王氏相繼病歿禔身  
次子麗正先爲公後遺孤六人履正繩正京正守正及二  
女皆幼穉或初咳守正方出遺腹嘔號滿前公出入顧復  
之滇則盡挈以行養教一如麗正無纖豪別異二十年來  
宦學婚嫁十一頭角駢然履正官廣東鹽大使繩正爲諸  
生有名京正官南河從九品守正官翰林院庶吉士女皆  
歸士族廉俸無幾不問田舍惟以八百兩主祭祀墳墓一  
千八百兩主宗姻卹卹昏喪之費分委澡身治身經理又  
買地桃源嶺葬族中無後者居恒誡子姪以儉曰吾惟儉  
故能廉且吾節損自奉稍稍分贍宗黨不亦可乎公爲諸

生時以理學文章自任以程朱韓柳爲指歸晚年嘗以古文稿付繩正輯若干卷藏於家生雍正十三年七月二日卒嘉慶五年九月一日年六十六娶陳氏封恭人封朝議大夫諱文釗女福建延建邵道嘉謨妹撫育遺孤恭人之力居多生雍正十二年六月十日卒乾隆五十七年四月廿四日女一適福建興泉永道潘本義次子鹽大使立誠歷正嘉慶丙辰進士禮部祠司主事娶余女孫一自珍聘余次子駮女孫女一許字朱氏歷正以嘉慶七年十月甲寅奉公柩與陳恭人合窆於施家村之原以公與余交四十年知公最深請爲神道之辭余不敢辭也謹書其大端

以爲碑銘曰 古之良史最重循吏馬班之書不傳孝弟  
惟孝能循本無二事後世分之源流殊致我聞陽城終身  
偕弟以刺道州心勞撫字世風旣澆子姪異視不有哲人  
何以觀世原鵠鰲羽每言灑涕諸子惇惇吾敢不予夫人  
一心飲食教誨封胡羯末駢枝成器公之愛民與子無二  
中夜叩天甘霖遂沛革其巫觋廸之道藝其學未竟卷懷  
自闔楊播匙箸妻肱枕被兄弟怡怡湖山杖履子官於朝  
夙夜無昧天不憖遺凋我善類不敢寢門哭君風義公之  
文章昌黎元氣我實不文曷銘公隧刻石新阡幸無諛愧  
中叙居官事絕佳後更足以家事

蔡一帆先生傳

一帆先生一字珠淵諱泳金壇人姓蔡氏先生生而穎異時義詩辭律賦髫年卽工爲之弱冠爲名諸生於書篆隸箕草皆工圖章尤工絕逼雪漁三橋諸名手自當代先輩達人以及一時髦俊無不推服以爲必早入翰林成國器也而省試多不利蹉跎至五十乃拔貢入都以考職第一例銓州同而止平生或遊大入幕中或課讀餬口尙不足病卒於乾隆二十三四年間年蓋未七十三子讀書皆無成身後著述星散嘻其可悲也矣先生爲人渾平書愚世故險巇纖豪不解于聿求丈嘗嘲之曰是所謂義皇上人

也少吾大父將二十年大父友之長吾父將十年吾父友之玉裁弱冠時從先生遊得詩賦時義之說先生於詩有唐詩欣遇集之選於時義有裁偽集舉業適中之選晚歲於詩餘有辭式精華之選辭式精華者取萬紅友辭律以正諸謝之譌簡唐宋元明辭之最佳者以正花閒草堂之失自三字句起至八字句起爲前後每幾字起中又依每調若干字自少而多爲次一調選數首於第一首鐵其可平可仄之字於旁以爲誼蓋言詩餘者至善之本也其於韻學著有律韻辨通言律韻者謂近體律詩律賦所用無需奇古鄙俗字專取可用字也曰辨通者病下里坊刻小

韻書說通轉最繆真文或與庚清蒸同用又或以是二者  
與侵同用入聲尤爲淆亂故本諸宋鄭庠分六部者而詳  
別之東冬可通支微可通魚虞可通佳灰可通真文可通  
寒刪可通蕭肴豪可通陽興江亦可通庚清青可通蒸與  
庚清青亦可通覃鹽咸可通上去準是入聲屋沃可通質  
物月可通曷黠可通藥與覺亦可通陌錫職可通合葉洽  
可通近體詩考試律賦最嚴無可通也自爲吟詠略可出  
入然非倣周秦漢之作必依比近音韻者用之去律不大  
違故旣云律韻又云辨通也王裁之言古韻實權輿於是  
其詩集今不傳今惟於史梧岡文西青散記得句容唐潘

王三烈婦詩以漢樂府音節贊嘆幽光今全錄焉其辭曰  
句容有三烈所居皆南鄉地邇時亦近人口傳芬芳豈鍾  
茅峰秀歸然鎮頽綱前者爲唐氏歸於俞繼兆舉止常端  
莊生平笑語少其夫遊京師婦養藉紡織繼姑多言言順  
受無怨色旣而夫客死聞訃欲殞身念有子三歲苦守膺  
艱辛夜止晝則哭未嘗或見齒匪勉撫遺孤成立謂可俟  
不圖至次歲其子戲池邊失足墮水死傷哉母命連慟哭  
益無極親族相勸解愈勸哭愈哀號慟終不改勸者至煩  
數停哭忽大笑時而開口噙時作莞爾貌歟謂成狂疾或  
疑有他心彼笑愈不止獨處聞其音循至夫忌日延僧作



佛事忽哭又忽笑眾莫解其意豈知笑有由自笑得所歸  
兼笑猜疑者志識誠大微是夜一聲笑明日門不啓衆爲  
推其門牀前自縊矣後有潘與王相繼以烈起其忠臣非  
樂死時窮乃見節烈女足自存何用自引決潘娥儒家女  
習禮兼明詩織作妙無匹窈窕有容儀十七入王門王性善女  
室家靡不宜孝養勤中饋敬戒凜無違娶婦得如此百年  
永賴之詎料甫六載所天長別離慟哭感幽冥鬼神亦涕  
垂不難卽同穴稟禮還自思叔幼舅姑老且暮孰扶持妾  
既未生乎血食將誰依且復忍須臾激烈非所持肝腸雖  
寸裂歡顏侍庭幃婦道兼子職一身任艱危欲待叔成立

有子繼宗支卓哉冰霜操志苦彌可悲如何生不辰骨肉  
起萌孽披枝傷其心因以顯貞烈舅姑感其孝不諒志所  
藏家貧年復少何以守空房欲從媒灼議再醮適他方潛  
娥得聞之驚眩目無光驚定始自痛淚落不成行舅姑應  
跋躓不得久扶將血食應斬絕不得冀延長妾心則已盡  
命也何足傷始悔死不早前計空張皇轉身入房中吞憤  
欲懸梁未知父意何終夜起徬徨昧爽仍抵淚晨省到高  
堂潛聲語老婢爲我報耶孃待耶猶不至日昃猶相望哀  
哉不能言不畜我亦強明日告老婢與我典衣裳爲我具  
酒食偕我至墓旁墓旁多野草悲風何淒涼高哭復低哭

伏地訴冥茫行者感太息耕者亦情愴其墓有五冢纍纍  
自相當條有五鳥至銜將祭品嘗檣鏹縣墓門不火自灰  
揚奇節天不變感通固難量婦慟氣屢絕翻身觸枯楊老  
婢急來救血流頭面剝宛轉曳之歸入舍不復防前姑有  
栗主設位在南廂稽顙告前姑家庭何不祥爾子既早夭  
爾媳亦卽亡有志恨不遂心可對穹蒼闔戶爰自縊滅終  
密縫裳帶地擁敗絮一死何周詳人言死節難死節略較  
易潘娥前不死慷慨有大志豈若匹夫諒一死不再計天  
也不諒人捐軀復何悔今世讀書子忠孝口不置一朝臨  
大節利趨害斯避何圖巾幗中有此丈夫氣傳與後世人

千秋植名義其慷慨赴死易從容就義難君子既有然婦  
行更足觀江甯賢太守題贈王烈婦從容就義字名實洵  
不負烈婦村家女夫爲就可隆與商脩會計家道本厄窮  
夫有姑王姥迎養事如姑且暮作日作井日同拮据夫嘗  
多債負厥後旋得疾求醫終不痊問卜竟少吉婦見勢不  
支因與夫計議盡以田與男子却一生累扶夫就几校授  
以筆與紙令其各分派不足聊復爾夫留田三畝復存燼  
一間其餘及器物一一盡割班婦令夫讀聽怪問何造却  
夫云爲爾計債債姑從略婦言卽盡產債畢猶未可君又  
無兒女何乃慮及我夫村有異志倉怒再改定投筆長嘯

吁婦知若不聽詰朝具蔬酒召各債主來眾人大歡喜如  
約各自回未幾夫命亡勉治送終具聊哭不盡哀數日送  
歸墓卽將靈位焚謂此誰奉祀且屋屬他人安能久留此  
鄉鄰見其事疑訝各紛紜如謂有他志又未有他聞焚罷  
徹祭餘整爲王姆饌拭几復滌器旋檢鍼與綫脫白返青  
衣悄然久入戶王姥至竄前見有膾鹽滷急入房中看安  
卧在牀上尙云母且坐漸久無苦狀太守時行縣吏民報  
聞之擘窠書大字題額旌戴祠聞者絡繹來爭欲仰真烈  
面貌儼如生衣裳密縫結取爲營葬祭饌資易豐盈狸首  
制七寸金粉題銘旌門前結素綵鼓樂聲喧闐宰羊及雞

豕馨香列滿前有爵盛冠帶庶人亦易服廬隘不容人門  
外拜僕僕太守遣致祭官僚亦賁臨德貴爵以賤叩首祈  
格歆歆爲來送葬冠蓋塞衢路旣封各再拜然後洛分去  
文人多題咏筆墨播芳榮哉烈婦名千秋不可忘其沈  
歸愚先生極重此三詩律韻辭式皆曾作序云王裁曰傷  
哉一帆先生也庸俗濫得科名臚仕者不足道卽歸愚先  
生與先生同爲諸生也學未有以大勝先生者而一爲禮  
部尙書一槁項黃馘以終牖下其故何耶豈非天道之不  
可知也往者先生質選基於于氏書室居焉時過從問字  
今老矣未嘗不神往冬日蠟梅枇杷花下飲酒諧笑時也

有史一吟曹可詩兩丈亦同時同居縣城

史一吟丈諱龍洪雲次先生之孫余嘗從講詩辭壁壁好  
學博覽說部書手抄前人詩文甚富好飲酒余嘗患家貧  
書少丈誨之曰物聚於所好能好之則書自多矣以諸生  
終今卒已數十年書籍積述皆漂散每念至傷之有雨中  
遊西湖記及詩皆絕佳詩記二聯云但聞花港觀魚好未  
見吳山立馬孤潮落有情悲伍相梅開無路訪林逋其哭  
徐旭升丈詩云此似中部非有蛟若方伯道更無攸徐丈  
儒雅以孝廉任廣文而歿無子亦無女且無姪可嗣此聯  
用事最精切也

曹可詩丈諱階字及三號可詩少壯爲諸生有名與歸愚  
先生及諸公結盟稱第七子余嘗從論詩退學軒中已將  
七十矣風神高邁詩取味外味以瀟洋爲宗有浣香詩集  
藏於家

三詩可泣鬼神雖著述星散得此文可不朽矣



明世宗非禮論一

喪服斬衰三年者一曰父傳曰父至尊也二曰諸侯爲天子傳曰天子至尊也三曰君傳曰君至尊也五曰爲人後者傳曰何以三年也受重者必以尊服服之何如而可爲之後支子可也公羊傳曰爲人後者爲之子也是則凡受重者必斬衰三年與真子同所以必斬衰三年者何也爲之子也經文當云爲人後者爲所後之父而闕此五字者先儒雷氏云所後其人不足或後祖父或後曾高祖故闕之雷說是也而未盡或後兄或後弟或後從祖若從祖父或後兄弟之子若兄弟之孫若而人者後之人皆必服斬

衰三年蓋所後者既有君有天子之尊故爲之三年者凡  
爲臣爲諸侯所同也而爲之子三年則爲後者所獨也後  
父行者三年後祖父後高曾祖父後兄後弟後從祖若從  
祖父後兄弟之子若兄弟之孫亦皆三年故禮經有爲祖  
後者服斬之文春秋僖爲閔三年春秋左傳之言逆祀謂  
閔僖爲父子國語謂閔僖爲昭穆謂閔祖謂僖親是可知  
兄之爲弟後也世宗之入嗣也弟後兄也弟後兄則必行  
三年之喪焉世宗從毛澄等服武宗以二十七日之制是  
合於爲之子之禮假令興獻王猶在世宗以王子入嗣統  
而其後獻王薨其將復三年之乎喪服經曰爲人後者爲

其父母杖期報此其禮在天子諸侯當不敢降然則獻王  
止於服期也期服之親而將帝之宗之躋諸先帝之上乎  
狗一己之私親絕大宗之胙允旣不予武復不予孝逆天  
悖理未有甚於斯者也然則其稱名將父武宗乎皇考武  
宗乎曰生曰父死曰考考者成也稱皇考何不可之有古  
者稱亡君必曰先君必曰先王必曰先帝必取廟號曰某  
皇帝如宋穆公稱宣公爲先君漢文帝稱孝惠皇帝皆弟  
稱兄也至於廟中之稱古之王但稱謚不稱某祖考見五經異義禮記  
外傳故世宗於武宗之主書武宗毅皇帝可也當時徐文華疏  
云孝宗有祖道焉不可以伯考偁武宗有父道焉不可以兄偁題廟主不若直偁曰孝宗敬皇帝武宗毅皇帝猶得

兩全無害也

曲禮曰內事曰孝王某然則自稱孝皇帝正合古

制

宋太宗於太祖廟稱孝弟非禮也

而世宗於武宗皇兄之於孝宗皇伯

之非臣道也非子道也臣也而敢伯君兄君乎子之孫之而敢兄之伯之乎不臣不予莫大乎皇兄皇伯考之稱也璵璠之言曰世宗繼統非繼嗣非漢定陶王宋濮王舊事可例竊謂不嗣何統繼非有二禮經之爲人後言繼統也宗廟社稷土地人民崇高富貴謂之統父子相承謂之嗣嗣絕而統無所歸於是乎立之嗣以任其統倘曰吾任其統而不爲之子然則孰不可以任其統也者鄉曲小民薄有田廬而無子宗族間必爲之子而後能有其田廬豈天

子之崇高富貴不若鄉曲之田廬哉而謂可以不爲之子  
而有之哉旣不肯爲之子則當力辭崇高富貴之統而專  
壹於生我者不當篡取崇高富貴以榮我身又以榮生我  
者而擯棄授我崇高富貴之人於不知誰何之地立後之  
義特重於大宗多於死後公議立之若漢哀帝宋英宗孝  
宗之養於宮中早立爲子者絕少要之死後猝然立之與  
生前立之其爲爲人後一也其爲爲之子一也豈生前則  
謂之繼嗣死後則謂之繼統抑且昭穆相當則爲繼嗣昭  
穆不相當則爲繼統也哉然則後大統者推尊本生之禮  
以何者爲正乎曰魏明帝太和二年詔曰由諸侯入率大

統則當明爲人後之義毋敢妄延非正之號謂考爲皇何  
此爲后此最正也其次則漢宣帝尊本生爲皇考而未敢  
不後昭帝也其次則安帝追號父清河王爲孝德皇祖帝  
追尊父恭宗亭侯曰孝崇皇祖父河間孝王曰孝穆皇  
帝追尊父辟疆亭侯曰孝仁皇皆依高帝尊父爲太上皇  
之義以爲三皇無爲五帝有事未嘗爲帝者可何皇不可  
何帝而不知皇與帝皆天子也祇大統者安可天子其父  
然皆未敢廢大統也其離經叛道至明世宗已極非特已  
不臣不子也且陷獻王於不臣不子之尤身未嘗一日爲  
天子而敢廁於生所臣事孝武二宗之間且逆祀武宗之

上是得爲事之以禮祭之以禮乎蓋世宗天姿貪暴而又  
不肯學問者也一聞遺詔謂倫序當立則謂已之卽位出  
於天幸可以快心於富貴可以極意於私親故覽禮官箋  
文循皇子嗣位故事卽曰遺詔以吾嗣皇帝非爲皇子也  
是其心早無孝宗武宗矣諸臣楊廷和毛澄等之議皆不  
可行而長君逢君如璵璠者皆如膠漆之契爭之不已乃  
同日杖殺者十六人下獄者百三十四人他日殺楊繼盛  
沈鍊諸公恣其荼毒慘於桀紂明之元氣始於此斲喪彼  
以爲非兇酷則無以勝天下太宗以篡逆取天下盡誅忠  
臣人不敢違英宗復辟亦用一切篡取之法遂殺于謙而

人不敢違皆其心所師法者也故於弑君篡國之太宗獨有深契追尊爲成祖宜其夷孝宗武宗於建文景泰二帝也哉

據經立論斬盡葛藤而予之意則尙不爾見所作宋明兩大疑案論



與諸同志書論校書之難

校書之難非照本改字不譌不漏之難也定其是非之難  
是非有二曰底本之是非曰立說之是非必先定其底本  
之是非而後可斷其立說之是非二者不分膠轕如治絲  
而勢如算之淆其法實而贅亂乃至不可理何謂底本著  
書者之稿本是也何謂立說著書者所言之義理是也周  
禮輪人望而視其輪欲其幘爾而下迤也自唐石經以下  
各本皆作下迤唐賈氏作不迤故疏曰不迤者謂輻上至  
轂兩兩相當正且不旁迤故曰不迤也文理甚明今各本  
疏文皆作下迤

下迤者謂輻上至轂兩兩相當正且不旁迤故云下迤也

其語絕無文

理則非賈氏之底本矣此由宋人以疏合經注者改疏之  
不字合經之下字所仍之經非賈氏之經本也然則經本  
有二下者是與不者是與曰下者是也望而視其輪謂視  
其已成輪之牙輪圖甚牙皆向下迤邪非謂幅與轂正直  
兩兩相當經下文縣之以視其幅之直自謂幅規之以視  
其圖自謂牙輪之圖在牙上文轂幅牙爲三材此言輪幅  
轂輪卽牙也然則唐石經及各本經作下是賈氏本作不  
非也而義理之是非定矣倘有淺人校疏文下迤之誤改  
爲不迤因以疏文之不迤改經文之下迤則賈疏之底本  
得矣而於義理乃大乖也王制虞庠在國之四郊注云周

立小學於四郊唐孔氏本經注皆作西郊

疏云西序在西郊周立小學於

西郊祭義天子設四學當入學而太子齒注云四學謂周有

四郊之虞庠孔氏本改注作西郊故疏云天子設四代之

學周學殷學夏學虞學也天子設四學以有虞庠爲小學

設置於西郊當入學之時而太子齒於國人今本疏文作

設置於四郊文理不可通則非孔氏之底本矣此由宋人

以疏合經注者改疏之西郊合注之四郊所仍之注非孔

氏之注本也然則祭義注本有二四郊是與西郊是與曰

四郊是也鄭注以周有四郊虞庠釋經四學文理一直並

無轉折周有四郊虞庠卽王制之虞庠在國四郊注之周

立小學於四郊也故皇侃云四郊皆有虞庠通典云周制  
大學爲東膠小學爲虞庠引鄭注祭義周有四郊之虞庠  
又引崔靈恩說亦云鄭注祭義曰周有四郊之虞庠北史  
劉芳傳芳表曰禮記云周人養庶老於虞庠虞庠在國之  
四郊又云天子設四學當入學而太子齒注云四學謂周  
四郊之虞庠也劉崔皇杜所見祭義注皆作四郊王肅雖  
好駁鄭而劉芳表云王肅禮記注云天子四郊有學去都  
五十里鄭氏則不知遠近按鄭注王制移之郊云爲習禮  
於郊學郊在鄉界之外則鄭謂郊學在遠郊百里肅則云  
近郊五十里惟此爲小異而小學在四郊無異故盧辨注

大戴禮亦言四郊之學劉芳表曰大學在國四小學在郊  
引保傅篇帝入東學帝入西學帝入南學帝入北學帝入  
大學而總之曰周之五學於此彌彰崔靈恩亦曰凡立學  
之法有四郊及國中四郊並方名之國中謂之大學然則  
四郊小學絕無可疑再證以王制注習禮於郊學在六鄉  
之外六遂之內則斷不專在西郊一處亦可證或以祭義  
祀先賢於西學爲疑不知此卽保傅篇帝入西學尙賢而  
貴德祭先賢專在西郊也西學者四郊之一別辭也四學  
者合四郊言之都辭也孔氏於王制依誤本西郊虞庠因  
改此注亦作西郊之虞庠而經文故作四學因用儀禮注

周立四代之學釋經之設四學以四學中有西郊虞庠釋  
在謂周西郊之虞庠是不思儀禮四代之學謂立大學於  
國中不得與郊之小學糅合爲四也且以一統四甚費周  
折是孔氏二疏作西郊皆非也而義理之是非定矣倘有  
淺人校祭義疏改四爲西因並改祭義注之四爲西王制  
經注疏之西郊皆沿誤不改則孔疏之底本雖得而於義  
理乃大乖也春秋左傳衛侯賜北宮喜謚曰貞子賜析朱  
翎謚曰成子而以齊氏之墓與之杜注曰皆死而賜謚及  
墓田傳終言之宋本亦或作皆未死而賜謚及墓田傳終  
而三之二者皆出於宋本孰爲是與曰皆死而賜者是也

二人時未死也既死而賜故要其終而言之若云皆未死而賜則傳終言之句不可接而爲贅辭矣是一本作未死而賜者非也然則死而賜於說經是與曰春秋常事不書書者爲其未死而賜也云死而賜則杜注之底本得矣而於義理則非也云未死而賜則杜注之底本失矣而於義理有合也毛詩涇以渭濁箋云涇水以有渭故見謂濁正義曰涇水言以有渭故人見謂已濁猶婦人言以有新昏故君子見謂已惡也引定本箋作涇水以有渭故見其濁釋文曰故見渭濁舊本如此一本渭作謂後人改耳按同一字而正義作見謂師古定本作見其釋文作見渭三者

孰是曰正義作謂是也如釋文作見謂則不可通定本作  
見其亦因舊作謂不可通而改之耳作見謂濁文理易瞭  
陸德明反說見謂爲非見謂爲是苟知孔氏疏文底本作  
見謂不誤而義理之是非亦定矣倘有必據釋文以改正  
義則孔疏之底本得矣而於義理乃大乖也士冠禮以摯  
見於鄉大夫鄉先生冠義同上鄉字釋文作鄉云二鄉並  
音香二經疏皆作卿大夫鄉先生賈云經言卿大夫不言  
士孔云謂在朝之卿大夫也鄉卿果孰是與曰鄉大夫是  
也作卿則非也凡言鄉大夫有二義一則周禮之本鄉鄉  
老鄉大夫關以下州長黨正族師閭胥也鄉大夫卿也鄉



老公也舉鄉大夫以上關公下關士也一則本鄉之仕爲大夫在朝者亦舉大夫以關卿士也鄉射禮注云遵者鄉之人仕至大夫者又曰鄉先生鄉大夫致仕者也此鄉大夫三字所謂同一鄉之人仕至大夫者同一鄉而仕至大夫曰鄉大夫每鄉卿一人者亦卽大夫之一也同一鄉仕至大夫致仕者曰鄉先生卽上老坐於右塾庶老坐於左塾鄉飲鄉射則謂之遵者是也鄭於禮禮記皆釋鄉大夫先生不釋鄉先生者禮記言鄉先生同鄉老而致仕者則鄉大夫之爲同鄉現仕者可知矣儀禮言鄉先生鄉中老人爲卿大夫致仕者則鄉大夫爲鄉中大夫未致仕者可

知矣必重同鄉者死徙無出鄉百姓親睦相保相受相葬  
相救相賙相賓欲使一鄉之人相好如一家六鄉六遂皆  
然而後仁義著敦化行本鄉之外恐大廣而不浹本鄉之  
內不甚遠而易親故有冠者必見其鄉之已仕致仕者聖  
人教民之深意也如賈孔作卿大夫則在朝之卿大夫其  
可全見與是以陸是而賈孔非也今若依賈之底本改陸  
氏音香之說改二經作卿大夫則賈孔之底本得矣而於  
義理乃大乖也就五事論之依今疏作下邇而賈不受也  
依賈作不邇以改經而攷工經不受也依祭義今疏四郊  
虞庠而孔不受也依孔作西郊而祭義王制經注不受也

依皆未死而賜謚而杜元凱不受也依皆死而賜謚又恐  
左公不受也依疏作見謂濁而陸不受也依釋文作見謂  
濁而鄭箋不受也改二疏作鄉大夫而賈孔不受也依疏  
以改經及釋文作卿大夫而經釋文不受也故校經之法  
必以賈還賈以孔還孔以陸還陸以杜還杜以鄭還鄭各  
得其底本而後判其義理之是非而後經之底本可定而  
後經之義理可以徐定不先正注疏釋文之底本則多誣  
古人不斷其立說之是非則多誤今人自宋人合正義釋  
文於經注而其字不相同者一切改之使同使學而不思  
者白首茫如其自負能校經者分別又無真見故三合之

注疏本似便而易惑久爲經之賊而莫之覺也如近者顧  
千里校祭義疏改四郊爲西郊孔氏之底本得矣而遂欲  
改注之四郊爲西郊且云王制經注之西郊不誤是知孔  
氏之底本而不知鄭氏之底本也鄭氏之底本失則經之  
底本亦失而周制四郊小學遂不傳矣千里又竊余曩時  
辨劉端臨盧紹弓據二疏改經鄉大夫爲卿大夫之說著  
於禮記攷異而未知其詳且又因宋本之譌字謂賈作鄉  
不誤是又知經之底本而不知賈疏之底本也知之者所  
以辨其非而歸於一是也東原師云鑿空之弊有二其一  
緣辭生訓也其一守譌傳繆也緣辭生訓者所釋之義非

其本義守譌傳繆者所據之經併非其本經如孔氏虞庠  
在國西郊所謂所據之經非其本經也而緣之立說則所  
釋之義非其本義矣經文之不誤者尙懼緣詞生訓所釋  
非其本義況守譌傳繆之經耶孔氏守唐時譌繆之本千  
里又守孔氏所守至於古本之是者確有可據而不之信  
信孔以誣鄭誣鄭以誣經不大爲經之害也哉凡校經者  
貴求其是而已以祭義注四郊虞庠謂之四學正王制經  
注之西郊爲四郊考之大戴禮王肅劉芳皇侃崔靈恩杜  
佑諸家而無不合以排孔氏之疏所謂求其是也執事以  
爲何如

先生於此事凡作十數篇文可謂費心費力費筆費墨  
矣而以此篇閒閒徐徐者結之較有餘味然亦可謂躊  
躇滿志矣